



REPUBLIKA E SHQIPËRISË

MINISTRIA E ARSIMIT, SPORTIT DHE RINISË
AGJENCIA KOMBËTARE E KËRKIMIT SHKENCOR DHE INOVACIONIT
DREJTORIA E PROGRAMEVE KOMBËTARE

Nr. 565/3 Prot.

Tiranë, më 18/06 /2021

THIRRJE PËR APLIKIM PËR PROJEKTE TË
INFRASTRUKTURËS SË KËRKIMIT SHKENCOR (PIKSH)
PËR VITIN 2021

Në zbatim të Ligjit Nr. 80, datë 22.07.2015, "Për arsimin e lartë dhe kërkimin shkencor në institucionet e arsimit të lartë në Republikën e Shqipërisë", të Vendimit Nr.607, datë 31.08.2016, të Këshillit të Ministrave "Për krijimin, përbërjen, organizimin dhe funksionimin e Agjencisë Kombëtare të Kërkimit Shkencor dhe Inovacionit (AKKSHI)" si dhe të VKM Nr. 75, datë 12.08.2018, "Për miratimin e modelit të financimit të institucioneve publike të arsimit të lartë dhe kërkimit shkencor", Agjencia Kombëtare e Kërkimit Shkencor dhe Inovacionit shpall thirrjen për aplikim për "Projekte të Infrastrukturës së Kërkimit Shkencor në Institucionet e Arsimit të Lartë" për vitin 2021.

Institucionet që kanë të drejtë të aplikojnë

Përmes kësaj thirrjeje do të mbështeten financiarisht projekt-propozime nga Institucionet Publike të Arsimit të Lartë Publik që kanë për objekt të veprimtarisë së tyre kërkimin shkencor.

Kritere të përgjithshme për aplikim

1. Projekt-propozimi duhet të vijë nga një Institucion Publik i Arsimit të Lartë (IAL) ose grup IAL të akredituara, në përputhje me kërkesat e udhëzuesit përkatës të PIKSH (shiko Udhëzuesin për projektet PIKSH);
2. Projekt-propozimi duhet të përmbajë planin për ngritjen ose rinovimin e infrastrukturës së kërkimit shkencor/laboratoreve të IAL-së, ose planin për blerje të pajisjeve të kërkimit shkencor ku përfshihen, pajisje kryesore ose grupe instrumentesh të kërkimit, koleksione, arkiva ose të dhëna shkencore, sisteme informatike dhe rrjete të komunikimit, si dhe çdo infrastrukturë tjetër kërkimore dhe inovative të një natyre unike, e cila do të shërbejë si për procesin mësimor ashtu edhe atë të kërkimit shkencor në IAL.

3. Projekt-propozimi duhet të përmbaje planin për ta bërë këtë infrastrukturë të aksesueshme dhe të hapur për përdoruesit e jashtëm¹.
4. Infrastruktura e kërkuar duhet të plotësojë kriteret e shkencës së hapur, “open science”, sipas përcaktimeve të ESFRI² (European Strategy Forum on Research and Infrastructures) dhe objektivave strategjike të ERA³.
5. Projekt-propozimi duhet të mbështetet në prioritetet strategjike sektoriale të miratuara nga Qeveria Shqiptare sipas fushave përkatëse.
6. Projekt-propozimi duhet të argumentojë qartë nevojën për të ndërhyrë në infrastrukturën ekzistuese kërkimore shkencore të IAL-së që e propozon me planin mesimor, kurikulën si dhe planin e kërkimit shkencor të IAL-së.
7. Projekt-propozimi duhet të argumentojë ndikimin që do të ketë infrastruktura e kërkuar në arritjen e objektivave të politikës, strategjisë e misionit të IAL-së;
8. Projekt-propozimi duhet të argumentojë ndikimin dhe avantazhet që infrastruktura e kërkuar do të ketë në zhvillimin e procesit kërkimor shkencor të IAL-së, lidhur me numrin e përfituesve nga projekti, në mënyrë të drejtpërdrejtë dhe/ose të tërthortë (studentë, pedagogë apo komunitet i kërkimit shkencor);
9. Projekt-propozimi duhet të përshkruajë në mënyrë të detajuar planin e mirëmbajtjes së infrastrukturës dhe të vërtetojë që do ta realizojë atë me burimet e tij financiare dhe njerëzore.

10. Do të kenë përparësi:

- Projekt-propozimet që vijnë në kuadër të mbështetjes së projekteve të studimeve të doktoratës.
- Projekt-propozimet që kanë siguruar mbështetje financiare nga burime të tjera siç janë: burime të vetë IAL-së; IAL-ve partnere, biznesit, donatoreve etj.
- Projektet që vijnë si projekt-propozime të dy ose më shumë IAL-ve.

Dokumentacioni i kërkuar për aplikim

Aplikantët duhet të dorëzojnë:

- Projekt-propozimin të hartuar dhe paraqitur **vetëm** sipas formularit standard të aplikimit për PIKSH të (Aneksi 1 i udhëzuesit);
- Projekt-propozimi dhe dokumentacioni tjetër duhet të dorëzohen në 3 kopje të shtypura dhe 1 kopje në CD, të shoqëruar me shkresë përcjellëse të institucionit punëdhënës;
- Vendimin e akreditimit të Institucionit Publik i Arsimit të Lartë që aplikon.

¹ Burimi i referencës: https://ec.europa.eu/info/research-and-innovation/strategy/european-research-infrastructures_en

² <https://www.esfri.eu/forum>

³ https://ec.europa.eu/info/research-and-innovation/strategy/era_en

- Miratimin e titullarit të Institucionit Publik i Arsimit të Lartë për pjesëmarrje në projekt;
- CV e Drejtuesit të projektit, i cili duhet të ketë të paktën gradën “Doktor” në fushën përkatëse;
- Kopje të diplomës së gradës shkencore apo titullit akademik të drejtuesit të projektit;
- Nëse IAL ka qenë përfitues i fondeve të AKKSHI-së, të paraqesë vetëdeklarimin që ka shlyer të gjitha detyrimet pranë ketij institucioni;
- Në rastet kur për projekt-propozimin është siguruar bashkefinancim (IAL, IAL partnere, biznesi, donatorët etj), IAL aplikuese duhet të sjellë një evidence lidhur me bashkefinancimin (psh një marrëveshje bashkëpunimi midis IAL dhe biznesit)

Dorëzimi i aplikimeve

Aplikantët duhet ta dorëzojnë dokumentacionin **përmes postës zyrtare**, në adresën:
Agjencia Kombëtare e Kërkimit Shkencor dhe Inovacionit, Rruga “Naim Frashëri”, Nr.37, Tiranë, Shqipëri.

Zarfi i dorëzimit të projektit duhet të jetë i mbyllur dhe të mbajë shënimin “Thirrja 2021 Projektet e Infrastrukturës së Kërkimit Shkencor” .

Afati i fundit për aplikim është data 30.07.2021

Për sqarime më të hollësishme, lidhur me këtë thirrje ose me procedurat e aplikimit, të interesuarit mund të drejtohen pranë Drejtorisë së Programeve Kombëtare në Agjencinë Kombëtare të Kërkimit Shkencor dhe Inovacionit ose me e-mail në adresën: gentiana.spahiu@nasri.gov.al;

Forma e aplikimit dhe dokumente të tjera lidhur me këtë thirrje mund t’i gjeni në faqen zyrtare të AKKSHI, <http://nasri.gov.al>.

DREJTORI I PËRGJITHSHËM

